



Kinn kommune

Vår referanse
26/18 26/583

Dykkar referanse

Sakshandsamar
Ane Malene Søvik
Nygård

Dato
27.04.2026

Kontrollutvalet sin uttale: Bordgleder KF - årsrapport og rekneskap 2025

Kinn kontrollutval har i møte 27.04.2026 09:00, sak 25/26, fatta følgjande vedtak:

Etter ei samla vurdering av det kontrollutvalet har fått lagt fram, og på bakgrunn av dialog med revisor, er kontrollutvalet ikkje gjort kjent med forhold som tilseier at årsrekneskapen ikkje kan godkjennast, jf. kommunelova § 14-3.

Kontrollutvalet vil likevel peike på følgjande forhold:

- Budsjettet som ligg til grunn som «regulert budsjett» er ikkje vedteke av kommunestyret. Dette er ikkje i samsvar med kommunelova § 9-15, der det går fram at det er kommunestyret som skal vedta budsjettendringar.
- Årsberetninga oppfyller ikkje krava i kommunelova § 14-7, då det ikkje er gjort greie for planlagde og iverksette tiltak for å sikre høg etisk standard, og heller ikkje for den faktiske tilstanden når det gjeld kjønnslikestilling og lønsforhold fordelt etter kjønn.
- Skattetrekksskonto per 31.12.2025 hadde ikkje tilstrekkelege midlar til å dekke påløpt skattetrekk. Dette var ikkje i samsvar med skattebetalingslova § 5-12 (oppheva frå 01.01.2026).

Kontrollutvalet ser alvorleg på desse forholda, særleg brot på regelverket knytt til skattetrekk og budsjettvedtak. Kontrollutvalet føreset at forholda vert retta opp og følgde opp av eigar og administrasjon.

Kontrollutvalet tilrår at kommunestyret godkjenner årsrekneskap og årsrapport 2025 for Bordgleder KF.

Med helsing

Ane Malene Søvik Nygård

Dokumenter er elektronisk godkjent og har difor ikkje signatur

Mottakar
Kinn kommune

